

Na osnovu člana 73. stav (4) Zakona o visokom obrazovanju („Službene novine Tuzlanskog kantona“, broj: 7/16,10/16,5/17, 15/17, 15/19 i 9/20) i člana 261. stavovi (3), (4) i (5) Statuta Univerziteta u Tuzli

**Univerzitet u Tuzli
objavljuje**

**JAVNI POZIV
za dopunu Liste istaknutih stručnjaka iz prakse koji mogu biti angažovani u naučno-nastavnom
procesu za izvođenje predavanja ili vježbi na fakultetima Univerziteta u Tuzli
u akademskoj 2020/21. godini**

I

Fakulteti Univerziteta u Tuzli iskazuje potrebu za dopunu Liste istaknutih stručnjaka iz prakse koji posjeduju radno iskustvo i rezultate iz užih naučnih oblasti, kako slijedi:

Farmaceutski fakultet

- Bromatologija
- Biohemija
- Farmaceutska analitika
- Farmakognozija
- Farmaceutska hemija
- Farmaceutska tehnologija
- Klinička farmacija
- Menadžment i zakonodavstvo u biomedicini

Rudarsko-geološko-građevinski fakultet

- Regionalna geologija
- Animalna proizvodnja i mljekarstvo

II

Pravo podnošenja prijave na Javni poziv imaju lica:

- koja posjeduju najmanje visoku stručnu spremu – završen odgovarajući fakultet u trajanju od najmanje 4 godine (za angažman u izvođenju vježbi);
- koja posjeduju odgovarajući naučni stepen doktora nauka (za angažman u izvođenju predavanja);
- da posjeduju iskustvo u struci u trajanju od najmanje 3 godine.

III

Uz prijavu na Javni poziv (sa naznakom fakulteta i uže naučne/umjetničke oblasti/nastavnog predmeta, zainteresirana lica dužna su priložiti:

- ovjerenu kopiju diplome o završenom odgovarajućem fakultetu (za angažman u izvođenju vježbi) ili odgovarajućem naučnom stepenu doktora nauka (za angažman u izvođenju predavanja);
- uvjerenje o ostvarenom radnom iskustvu u struci sa naznakom poslova na kojima je iskustvo ostvareno;
- biografiju koja obavezno sadrži ličnu biografiju, obrazovanje, kretanje u službi i druge relevantne podatke.

IV

Lica prijavljena na Javni poziv koja su pružila dokaz o ispunjavanju uslova iz tačaka II i III, unose se u bazu podataka istaknutih stručnjaka iz prakse. Istaknuti stručnjak iz prakse može biti angažovan u nastavi na osnovu Odluke Naučno-nastavnog vijeća fakulteta o stavljanju na listu stručnjaka iz prakse

i Odluke Senata Univerziteta o usvajanju plana realizacije nastave za akademsku godinu, po ukazanoj potrebi za izvođenjem predavanja ili vježbi.

V

Prioritet u angažovanju imaju lica koja imaju najbolje naučne i stručne reference, te lica sa prebivalištem/boravištem na području Tuzlanskog kantona.

VI

Prijave na Javni poziv, sa potrebnim priložima, dostavljaju se u zatvorenoj koverti neposredno u Dekanat odgovarajućeg fakulteta ili putem pošte na adresu:

UNIVERZITET U TUZLI, Ul. dr. Tihomila Markovića br. 1, 75000 Tuzla, sa naznakom: (Prijava na Javni poziv – stručnjaci iz prakse, sa naznakom fakulteta, uže naučne oblasti na koji se prijavljuje – NE OTVARATI!).

VII

Fakulteti će nakon evaluacije podnesenih prijava, pismenim putem obavijestiti učesnike Javnog poziva o ishodu podnesene prijave.

VIII

Nepotpune i neblagovremene prijave se neće uzeti u razmatranje. Javni poziv ostaje otvoren u toku akademske 2020/21.godine.

UNIVERZITET U TUZLI

SENAT

Broj: 03-5915-1-9.1/20

Tuzla, 09.12.2020. godine